

Sinot i sidaun long namba wan riding bilong nupela Konstitusen bilong ELC-PNG

Written by Warime Gutu

Friday, 16 January 2009 00:00 -

Bihain long Evenselikol Luteran sios bilong Papua Niugini i bin ron long 20-pela krismas annit long olupela konstitusen, planti samting ino bin stap gut. Profesa bilong Lo insait long univesiti bilong Papua NiuGini (UPNG) i tok. Em i tok, insait long dispela las 20-pela yia, administretiv ron na wok bilong Luteran sios ino bin bihainim as tingting stap insait long olupela konstitusen. Na tu bihain long 20-pela yia dispela konstitusen ino moa inap long stiarim gut ron bilong sios insait long dispela taim we planti senis i wok long kamap insait long wel na kantri bilong yumi. Bihainim dispela tingting, sios

long wanpela sinot bipo i passim risolusen long senisim na mekim nupela konstitusen.

Aste long Mande deliget insait long sinot i sidaun long pes riding bilong konstitusen long mekim klia nupela administretiv straksa na ron bilong sios bihain long sinot. Profesa Kwa i tok taim konstitusen plening komiti (CPC) i sidaun long mekim konstitusen, ol sindaun gut na skelim ron bilong konstitusen wantaim Visen 2020 long mekim bai tupela dispela pepa i mas ron long wanpela as tingting na mak. “Lo wantaim Polisi i mas wanbel wantaim, sapos nogat yumi bai ino inap long kamap long gol mak yumi tingting long go long en. Sampela ol bikpela senis kamap insait long administretiv straksa bilong sios aninit long nupela konstitusen em het bisop ino moa stap aninit long wok administresen. Em bai stap antap na lukluk moa long spiritual gaidens na lidasip insait long sios. Narapela tu em nupela lo i kamapim wanpela opis bilong Tresera husait bai i lukluk moa long wok bilong fainans, painim ol kontrak, projeck na toktok wantaim gavman long bringim sevis na ol wok bisnis i kam helpim sios. Aninit long em, em finans sekreteri bai wok bilong em em long lukluk long ron bilong moni insait long sios tasol. Profesa Kwa i pinisim tok na i tok igat sios Lidasip Kod tu stap pinis long mekim save long ol lidas husait i spak, paulim moni, dabol marit na mekim pasin pamuk nabaut.